

საქართველოს მთავრობის

დადგენილება №468

2012 წლის 13 დეკემბერი

ქ. თბილისი

**„საქართველოს სპორტისა და ახალგაზრდობის საქმეთა სამინისტროს დებულების
დამტკიცების შესახებ“ საქართველოს მთავრობის 2010 წლის 7 ივლისის №183
დადგენილებაში ცვლილების შეტანის თაობაზე**

მუხლი 1

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, „საქართველოს სპორტისა და ახალგაზრდობის საქმეთა სამინისტროს დებულების დამტკიცების შესახებ“ საქართველოს მთავრობის 2010 წლის 7 ივლისის №183 დადგენილებაში (სსმ, №84, 12.07.2010წ.) და დადგენილებით დამტკიცებულ საქართველოს სპორტისა და ახალგაზრდობის საქმეთა სამინისტროს დებულებაში შეტანილ იქნეს შემდეგი ცვლილება:

1. დებულების მე-4 მუხლს დაემატოს შემდეგი შინაარსის „1¹“ პუნქტი:

„1¹.სამინისტროს სახელმწიფო კონტროლს დაქვემდებარებული საჯარო სამართლის იურიდიული პირები არიან:

- ა) ბავშვთა და ახალგაზრდობის ეროვნული ცენტრი;
- ბ) საქართველოს ბავშვთა და ახალგაზრდობის განვითარების ფონდი;
- გ) საქართველოს მოსწავლე-ახალგაზრდობის ეროვნული სასახლე;
- დ) საქართველოს ოლიმპიური რეზერვების მზადების ეროვნული ცენტრი;
- ე) „ქართული სპორტის მუზეუმი.“.

2. დებულების მე-7 მუხლს დაემატოს შემდეგი შინაარსის „3¹“ პუნქტი:

„3¹. მინისტრის ერთ-ერთი მოადგილე იმავდროულად არის საჯარო სამართლის იურიდიული პირის - ბავშვთა და ახალგაზრდობის ეროვნული ცენტრის უფროსი.“.

მუხლი 2

დადგენილება ამოქმედდეს გამოქვეყნებისთანავე.

პრემიერ-მინისტრი

ბიძინა ივანიშვილი

